

REGLUGERÐ FRAMKVÆMDASTJÓRNARINNAR (ESB) nr. 1374/2013

2014/EES/36/41

frá 19. desember 2013

um breytingu á reglugerð (EB) nr. 1126/2008 um innleiðingu tiltekinna alþjóðlegra reikningsskilastaðla í samræmi við reglugerð Evrópuþingsins og ráðsins (EB) nr. 1606/2002 að því er varðar alþjóðlegan reikningsskilastaðal, IAS-staðal 36 (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1606/2002 frá 19. júlí 2002 um beitingu alþjóðlegra reikningsskilastaðla ⁽¹⁾, einkum 1. mgr. 3. gr.,

og að teknu tilliti til eftirfarandi:

- 1) Með reglugerð framkvæmdastjórnarinnar (EB) nr. 1126/2008⁽²⁾ voru samþykktir alþjóðlegir staðlar og túlkningar sem voru fyrir hendi 15. október 2008.
- 2) Þann 29. maí 2013 birti Alþjóðareikningsskilaráðið breytingar á alþjóðlegum reikningsskilastaðli IAS-staðli 36, *virðisrýrnun eigna*. Markmiðið með breytingunum er að skýra að umfang upplýsingagjafar um endurheimtanlega fjárhæð eigna, ef sú fjárhæð byggist á gangvirði að frádregnum ráðstöfunarkostnaði, takmarkast við eignir sem hafa rýrnað að virði.
- 3) Með samráði við sérfræðingahóp Evrópsku ráðgjafarnefndarinnar um reikningsskil er staðfest að breytingar

á IAS-staðli 36 uppfylli tæknilegu skilyrðin fyrir innleiðingu sem eru sett fram í 2. mgr. 3. gr. reglugerðar (EB) nr. 1606/2002.

- 4) Því ber að breyta reglugerð (EB) nr. 1126/2008 til samræmis við það.
- 5) Ráðstafanirnar, sem kveðið er á um í þessari reglugerð, eru í samræmi við álit stýrinefndarinnar um reikningsskil,

SAMÞYKKT REGLUGERÐ ÞESSA:

1. gr.

Í viðaukanum við reglugerð (EB) nr. 1126/2008 er alþjóðlegum reikningsskilastaðli IAS-staðli 36, *virðisrýrnun eigna* breytt eins og fram kemur í viðaukanum við þessa reglugerð.

2. gr.

Félög skulu beita breytingunum á stöðlunum, sem vísað er til í 1. gr., eigi síðar en frá og með upphafsdagsetningu fyrsta fjárhagsárs þeirra sem hefst 1. janúar 2014 eða síðar.

3. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 19. desember 2013.

*Fyrir hönd framkvæmdastjórnarinnar,
forseti.*

José Manuel BARROSO

(*) Þessi EB-gerð birtist í Stjóð. ESB L 346, 20.12.2013, bls. 38. Hennar var getið í ákvörðun sameiginlegu EES-nefndarinnar nr. 108/2014 frá 16. maí 2014 um breytingu á XXII. viðauka (Félagaréttur) við EES-samninginn, bíður birtingar.

⁽¹⁾ Stjóð. EB L 243, 11.9.2002, bls. 1.

⁽²⁾ Stjóð. ESB L 320, 29.11.2008, bls. 1.

VIÐAUKI

ALÞJÓÐLEGIR REIKNINGSSKILASTAÐLAR

IAS-staðall 36	IAS-staðall 36, virðisrýrnun eigna
----------------	------------------------------------

Breytingar á IAS-staðli 36 Virðisrýrnun eigna***Birting upplýsinga um endurheimtanlegar fjárhæðir að því er varðar eignir sem eru ekki fjáreignir***

Liðum 130 og 134 og fyrirsögn liðar 138 er breytt og lið 140J er bætt við.

BIRTING UPPLÝSINGA

...

130 Eining skal birta eftirfarandi fyrir sérstaka eign (þ.m.t. viðskiptavild) eða fjárskapandi einingu, sem virðisrýrnunartap hefur verið fært eða bakfært vegna á tímabilinu:

a) ...

c) endurheimtanlega fjárhæð eignarinnar (fjárskapandi einingarinnar) og hvort endurheimtanleg fjárhæð eignarinnar (fjárskapandi einingarinnar) er gangvirði að frádregnum ráðstöfunarkostnaði eða notkunarvirði,

f) ef endurheimtanlega fjárhæðin er gangvirði að frádregnum ráðstöfunarkostnaði skal einingin birta eftirfarandi upplýsingar:

i. stíg í stigskiptri flokkun gangvirðis (sjá IFRS-staðal 13) þar sem gangvirðismat eignarinnar (fjárskapandi einingarinnar) er flokkað í heild sinni (án þess að taka tillit til þess hvort „söluþáttur“ sé sannreynanlegur),

ii. fyrir gangvirðismót sem flokkuð eru innan 2. og 3. stigs í stigskiptri flokkun gangvirðis, lýsingu á virðismatsaðferðunum sem notaðar voru við mat á gangvirði að frádregnum ráðstöfunarkostnaði. Ef breyting hefur orðið á virðismatsaðferð skal einingin gera grein fyrir þeirri breytingu/þeim breytingum og á hverju hún er byggð, og

iii. fyrir gangvirðismót sem flokkuð eru innan 2. og 3. stigs í stigskiptri flokkun gangvirðis, sérhverja lykilforsendu sem stjórnendur hafa byggt ákvörðun sína á um gangvirði að frádregnum ráðstöfunarkostnaði. Lykilforsendur eru þær sem endurheimtanleg fjárhæð eignarinnar (fjárskapandi einingarinnar) er næmest fyrir. Einingin skal einnig birta upplýsingar um afvöxtunarstuðulinn eða -stuðlana sem notaðir eru við núverandi mat og fyrra mat ef gangvirði að frádregnum ráðstöfunarkostnaði er metið með núvirðisaðferð,

g) ...

...

Mat notað til að meta endurheimtanlegar fjárhæðir fjárskapandi eininga, sem innihalda viðskiptavild, eða óefnislegra eigna með ótakmarkaðan nýtingartíma

134 Eining skal birta upplýsingarnar sem krafist er í a- til f-lið fyrir sérhverja fjárskapandi einingu (einingaflokk) þar sem bókfært verð viðskiptavildar eða óefnislegra eigna með ótakmarkaðan nýtingartíma sem skipt er á þá einingu (einingaflokk) er verulegt í samanburði við bókfært heildarverð viðskiptavildar eða óefnislegra eigna með ótakmarkaðan nýtingartíma einingarinnar:

a) ...

c) á hvaða grundvelli endurheimtanleg fjárhæð einingarinnar (einingaflokksins) hefur verið ákvörðuð á (þ.e. notkunarvirði eða gangvirði að frádregnum ráðstöfunarkostnaði),

d) ...

...

BRÁÐABIRGÐAÁKVÆÐI OG GILDISTÖKUDAGUR

138 ...

140J Í maí 2013 var liðum 130 og 134 og fyrirsögninni yfir lið 138 breytt. Eining skal beita þessum breytingum afturvirkir að því er varðar árleg tímabil sem hefjast 1. janúar 2014 eða síðar. Heimilt er að beita túlkuninni fyrir. Eining skal ekki beita þessum breytingum á tímabilum (þ.m.t. samanburðartímabilum) þar sem hún beitir ekki einnig IFRS-staðli 13.
